

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН ИНДӨД**

#### **“Содтöd дасьлун серти режим пыртöм йылысь” Коми Республикаса Юралысьлөн 2020 во рака тöлысь 15 лунся 16 №-а Индödö вежсьöмъяс пыртöм йылысь**

Шуа:

1. Пыртны “Содтöd дасьлун серти режим пыртöм йылысь” Коми Республикаса Юралысьлөн 2020 во рака тöлысь 15 лунся 16 №-а Индödö вежсьöмъяс содтöd серти.
2. Тайö Индödöдыс вынсялö сійöс официальнойö йöзöдан лунсянь.

Коми Республикаса Юралысьлысь  
могъяс недыр кадколастö збыльмöдысь

В. Уйба

Сыктывкар

2020 вося косму тöлысь 15 лун

26 №

Коми Республикаса Юралысьлөн  
2020 во косму тöлысь 15 лунся 26 №-а Индöд дорö  
СОДТÖД

“Содтöд дасьлун серти режим пыртöм йылысь” Коми Республикаса  
Юралысьлөн 2020 во рака тöлысь 15 лунся 16 №-а Индöдö пыртöм

**ВЕЖСЬÖМЪЯС**

“Содтöд дасьлун серти режим пыртöм йылысь” Коми Республикаса  
Юралысьлөн 2020 во рака тöлысь 15 лунся 16 №-а Индöдын:

1. 13.6 пунктын “субсидияяс.” кыв вежны “субсидияяс;” кывйöн.
2. Содтыны татшöм сюрöса 13.7 пункт:

“13.7. котыртны 2020 во рака тöлысь 16 лунсянь вежон вылö сёян набор сетöм серти удж дистанционнöя велöдан технологияяс отсöгөн занятиаяс нуöдан луньясö 1-4 классьясын велöдчысьяслы велöдан услугаяс сетигөн “И.П. Морозов нима дзоньвидзалунын дзескöдöм позянлуна челядьöс да ныв-зонпосниöс реабилитируйтан республиканскöй шöрин” Коми Республикаса канму сьöмкуд учреждениеын, көнi сетöны стационарнöя социальнöй отсöг 5-сянь 12 арöсöдз дзоньвидзалунын дзескöдöм позянлуньяса вермытöм челядьлы.”

3. 19.1 пунктын:

- 1) 2 пунктув гижны тадзи:

“2) организацияслөн удж вылö, организацияяс кындзи, кутшöмьяслысь уджсö абу дугöдöма “Выль коронавирус инфекция (COVID-19) паськалöмкöд йитöдын Россия Федерация мутасын олысьяслысь санитарно-эпидемиологическöй бур олөм могмöдан мераяс йылысь” Россия Федерацияса Президентлөн 2020 во косму тöлысь 2 лунся 239 №-а Индöдөн, да организацияслөн, кутшöмьяс вермöны уджавны содтöд дасьлун режим дырйи да кутшöмьясöс индöма Коми Республикаса

Веськӧдлан котырлӧн шуӧмын;”;

2) 3 пунктулӧ “вайӧмӧн” кывъяс бӧрын содтыны “, да услугаяс кындзи, кутшӧмъясӧс сетӧны организацияяс, кутшӧмъяс вермӧны уджавны содтӧд дасьлун режим дырйи да кутшӧмъясӧс индӧма Коми Республикаса Веськӧдлан котырлӧн шуӧмӧн” кывъяс.

4. Содтыны татшӧм сюрӧса 19.3 пункт:

“19.3. Коми Республикаса Веськӧдлан котырлы индыны Коми Республика мутасын меститчысь организациясӧс, кутшӧмъяс вермӧны уджавны содтӧд дасьлун режим дырйи.”.

5. 22 пунктын:

1) медводдза сёрникузяын “канму да муниципальной услугаяс” кывъяс бӧрын содтыны “да мукӧд услуга” кывъяс;

2) содтыны татшӧм сюрӧса мӧд абзац:

“Коми Республикаса экономика министерстволы вынсьӧдны канму, муниципальной да мукӧд услугалысь лыддьӧг, кутшӧмъясӧс сетӧны содтӧд дасьлун режим дырйи “Коми Республикаса канму да муниципальной услугаяс сетан уна мога шӧрин” Коми Республикаса канму асшӧрлуна учреждениеын.”.

**Пас лыд – 2617**

**Королева**